

Filarmoniche di Colorêt: ce premi

Afermazion de Filarmoniche di Colorêt di Prât che al 10m Concors bandistic internazionâl "Flicorno d'oro" di Riva del Garda, dai 30 di Març, e à vinçût il secont premi de tierce categorie.

Cun di plui il premi speciâl pal miôr mestri propite al lôr Fulvio Dose.

A jerin dôs juriis internazionâls cun da cjâf il preseât mestri de Belgjiche André Waignein a judicâlis 23 bandis che a vignivin di dute Europe. Ancje se Colorêt di Prât al è un piçul país de provincie di Udin, in comun di Pasion di Prât, cun sù parjù mîl abitanti al à il svant di tignî di cont la anime popolâr,

ancje cu la Filarmoniche che e à plui di cent agns di storie (dal 1893) e e à scomençât a fâsi cognossi tal 1926 rivant prime tal Concors pes bandis di Udin.

Grande fieste tra i sunadôrs e grande sodisfazion. Luzie, clarin, e conte che al concurs la tension si è smolade nome daspò vè sunât, tal moment di sintî la alte votazion cul non de nestre Filarmoniche e che no dismentearà lis sensazions e la gjonde tal viodi il mestri premiât tant che miôr mestri.

Il president de Filarmoniche Marcello Di Benedetto al conte: "Dal sigûr no podevin jentrâ in competizion cui svizars e cun chei altris professioniscj, ducj sunadôrs diplomâts in Conservatori. La nestre bande e je rapresenta-

tive di un país. Nô o fasin sfiladis e processions; o vin di dut, dal frut che al scomence a sunâ, al anzianut che al piert la rie parcè che al è cence ocjâi, al operari che al mole di vore une ore prin di pro-



I protagoniscj

vis. Il nestri segret al è tal rivâ a fâ, di ducj chei sunadôrs, un cuarp unic, une comunitât".

Enrico Geatti, clarinet bas, al dîs che il fat di tirâ dongje e di fâ compagnie al è stât ancje merit di ideis pôc musicâls come il "purcit de bande" (cjolt purcità dai sunadôrs intune sabide di fraie di fevrâr e vendût a pro de bande), i campionâts di balon e lis gjitis (tal 2005 a son rivâts fintremai in Svezie) e ancje, parcè di no, tal sît internet.

La segretarie Cristina De Cillia, oboe, e dîs graciis a ducj pes emozions cussì bielîs, pal divertiment e pe voie di fâ ben che ducj i sunadôrs a àn vût dilunc dut il concurs, tant che e mostre il cont di dutis lis ativitâts di vie pal an: uns 30 jessudis, une desene di concier-

ts e la partecipazion, tant che bande a disposizion, pai mestris des corâls par diretôrs. In dì di vuê la età dai sunadôrs e va dai 14 ai 73 agns e i socis a son sù par jù une setantine..

"Il sucès de Filarmoniche - al dîs ancjemò il president Di Benedetto - al ven dal biel lavôr dal so diretôr che al à preparât cussì ben il grup. E il so premi, che al ven dât nome se la jurie e cjate la unanimitât, al à grande relevance. Il mestri Fulvio Dose, nassût a Gurize tal '68, al è diplomât in clarinet li dal conservatori di Triest e al à studiât ancje armonie e

strumentazion par bande. Dal 1992 cu la Filarmoniche di Colorêt, dal 1997 al dirêç ancje la Orchestre Civiche di Flâts "Giuseppe Verdi" di Triest. Il premi che o vin meretât - al zonte il president - al va ancje al lavôr dal consei, a ducj i sunadôrs, cence dismenteâ la scuele de bande (il cors par fruts e zovins, cun sessante arlêfs, al in-segne ducj i struments par bande cun di plui ghitare e pianoforte) e a chê par cont de associazion des bandis (ANBIMA) tignude dai mestris Daniele Carnevali e Marco Somadossi e a dute la comunitât di Colorêt di Prât."

STEFANO GASTI

Segreteria 334 1339617
www.filarmonicacoloredo.it